

**317** Diu stat hât erden wunsches solt,  
 hie het iu vrâgen mêt erholt.  
 jenes landes künegin  
 Feirefiz Anschevin  
 5 mit herter riterschefe erwarp,  
 an dem diu manheit niht verdarp,  
 die iwer bêder vater truoc.  
 iwer bruoder wunders pfligt genuoc;  
 jâ ist beidiu swartz und blanc  
 10 der küneginne sun von Zazamanc.  
 Nû denke *ich* aber an Gahmureten,  
 des herze ie valsches was erjeten.  
 von Anschouwe iwer vater hiez,  
 der iu ander erbe liez,  
 15 denn als ir habt geworben.  
 an prîse ir sît verdorben.  
 het iwer muoter ie missetân,  
 sô solt ichz dâ vür gerne hân,  
 ir meht ir sun niht gesîn.  
 20 nein, si lérte ir triwe pîn;  
 geloubet von ir guoter mære  
 unt daz iwer vater wäre  
 manlîcher triwe wîse  
 unt wîtvengec hôher prîse.  
 25 er kunde wol mit schallen.  
 grôz herze unt kleine gallen,<sup>K</sup>  
 dar ob was sîn brust ein dach.  
 er was riuse unt vengec vach;  
 sîn manlîchez ellen  
 30 kunde den prîs wol gestellen.

*Die Verse 317.1–2 fehlen ↓\*G (nur GI)*  
 vrâge \*T (ohne V)  
 eines (Gein des O) I. künigin \*G (ohne Z)  
 pfliget (phlac I) g., \*G \*T  
 derst b. (om. O) sw. unde bl., \*G (ohne Z) (\*T)  
 nû gedenke ich \*T  
 ie om. \*G \*T (ohne V)  
 sô wolt ich ez dâ vür (ur I) hân, \*G (nur GI) (\*T)  
 ir möht sîn ([v]: sin G) sun \*G (ohne I) (\*T) (nur T)  
 guot (gvitiv O) \*G (ohne Z)  
 unde wîtvenge (wint venke U) h. (an hôhen \*T [nur T]) pr. \*G (nur GI) (\*T) (ohne V)  
 mit schalle. \*G (ohne Z) \*T  
 unde kleiniu (chlaine O) galle, \*G (ohne Z) \*T  
 dar über was \*G \*T  
 er was r., venge ein v.; \*T (ohne V)  
 k. den (dem \*T) pr. wol stellen. \*G (nur GI) (\*T)

\*D: D \*m: m (ohne 317.16) \*G: G (ohne 317.1–2) I (ohne 317.1–2) O Z \*T: T U V

**1** Initiale D V **5** Initiale O **11** Majuskel D **17** Initiale I Z **21** Initiale G **29** Initiale I

**1** Div stat hat erden wnsches solt O (Z) **2** Hie het iv fragen mer verholt (er holt Z) O (Z) **3** Versfolge 317.4–3 \*m **11** ich] om. D **16** an] in \*m **19** ir] sîn \*m **20** si] sô \*m **25** schallen] schalle \*m **27** ein] sîn \*m (V) **30** den prîs] dem prîse \*m